

CBS ta informa:

Cooperacion ta haci e diferencia durante Censo Economico 2014

Manera anuncia anteriormente Oficina Central di Estadistica (CBS) ta organisando un Censo Economico cu a inicia dialuna ultimo y pa cual e prome fase lo finalisa dia 17 di november 2014. Durante e periodo aki 34 encuestador tin e tarea pa bishita tur establecimiento cu ta eherce un of mas actividad economico na Aruba. Pa por haci nan trabao optimalmente, a tuma lugar siman pasa cuater mainta di training y preparacion intensivo pa e encuestadonan door di funcionarionan di CBS. Sin duda cu e trainingnan aki a resulta sumamente exitoso.

Actualisacion di Registro

Durante e Censo Economico aki ta wordo puntra na e doño y/of manager di tur establecimiento na Aruba pa suministra datonan di, entre otro, nan actividad(nan) economico, e cantidad di empleadonan cu nan tin den servicio y e suma total na salarionan paga na e empleadonan aki. Tambe ta wordo puntra informacionnan relaciona cu nan contribucion na e sector di turismo. Ta hopi importante pa CBS obtene tur e datonan aki y p'asina actualisa su registro y informacion di establecimentonan, ya cu e ultimo biaha cu tabata tin un Censo Economico (Business Count) tabata na aña 2003 y prome cu esey na aña 1995.

Sectornan economico

Pa duna un ehempel kico CBS kiermen cu actualisacion di su registro y informacion di establecimentonan, adhunto nos por mira un grafico, caminda ta describi desaroyo di e 5 sectornan economico mas importante na Aruba, tanto na 2003 como 1995. Aki por mira claramente cu na 2003 e sector 'Wholesale and Retail Trade' a disminui den porcentahe compara cu 1995 y e sector di 'Real Estate, Renting and Business Activities' a aumenta na 2003 compara cu 1995.

Pues ta hopi importante pa awor na 2014 comunidad en general y e instancianan cu ta stipula maneho en particular por haya un bista con e situacion di e diferente sectornan economico a desaroya durante e ultimo 11 añanan aki. Pa logra esaki CBS ta pidi tur doño y/of manager di establecimentonan na Aruba pa coopera cu e Censo Economico 2014. Sin duda cu cooperacion cu e Censo Economico ta haci e diferencia.

Pa mas informacion, por tuma contacto cu CBS, sr. Jose Hernandez, tel. 5837433 ext. 243 of via e-mail: ECensus@cbs.aw



1995

2003

29,235
employees on payroll

37,953
employees on payroll

Top 5 establishments

By economic sector

